

INUIT ATAQATIGIIT INATSISARTUNI



26. juli 2022

UKA2022/30

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Meeqqat ADHD-mik aamma autisme-mik nappaateqartut siusinnerusukkut paasineqartarnissaannut qanoq pitsanngorsaasoqarsinnaaneranut pilersaarummik Naalakkersuisut suliaqaqqullugit peqquneqarnissaannut Inatsisartut aalajangiiffigisassaattut siunnersuut.

(Inatsisartunut ilaasortaq Mikivsuk Thomassen, Inuit Ataqatigiit)

Tungavilersuut:

ADHD-mik Autismimillu inunnguutsimik pigisaqaraanni imaaliillaannaq takuneqarsinnaangilaq kisiannili misissorneqarnikkut paasineqarsinnaalluni. isumaqarpunga meerarpassuit piginnaanillit ADHD-mik Autismimillu nappaateqarsimagaanni piaartumik paasineqarsimangikkaangamik kinguussaasartut, tamannalu aaqqiiffigineqassappat pisussaavugut sinaakkusersuinikkut piaartumik paasineqartalernissaat sulissutigissallugu.

Pisussaaffeqarpugut meerartatta sullinneqartarnerat eqaatsuunissaanut qulakkeerinnissamu aammalu meeqqerivinni atuarfinnilu sullinneqarisa pitsanngorsartuarnissaanut, piaartumimmi paasineqanngikkaanni kinguussaaneermik kinguneqarsinnaasoq ilisimaaraaput tamannalu siunissamut piginnaasaanullu ineriartortitsinissamut siunertaqarnermut tulluanngilluinnarpoq.

INUIT ATAQATIGIIT INATSIARTUNI



Inuit Ataqatigiit isumaqarput meeqqat piaartumik paasineqaraangamik angusaqarsinnaanerulersartut, taamaalillutik pitsaasumik paasineqartutullu misigalutik, ikiorserneqarsinnaanerallu ajornannginnerulersartuq.

Meeqqueriviit, atuarfiit, peqqinnissaqarfik, MISI, angajoqqaallu suleqatigiittariaqarnerannik naqissuseerusuppunga taakkuummata meeqqap ineriartorneranut pitsaasumik alloriartsitisinnaasut, siunissaq eqqarsaatigalugu meeqqap aallaaviunissaa avaqqunneqarsinnaanngimmat.

Meeqqat piginnaaneqarnermikkut pitsaasumik malinnaavigineqanngikkaangamik tunuarsilersarput tamannalu uggornartuusooq ilisimaaraarput, allanngortsinneqartariaqarporlu.

Taamaattoqartillugu angajoqqaat meeqqaminnik tapersersuillutik ilungersuuteqartaqaat, sinaakkutinilli amigarsinnaasunik peqartoqaraangat sullinneqarnerat arriitsuusarluni piffissallu sivitsortoorunneqarsinnaasarluni.

Taamatut saqqummiussaqaarlunga peqataalluarnissassinut kissaateqarpunga meeqqammi piaartumik paasisaqaraanni siunissaat pitsaanerusartuq ilisimavarput.

Pisortanut aningaasatigut allaffissornikkullu kingunerisassai:

Pisortanut aningaasatigut allaffissornikkullu kingunissai AC-fuldmægtigip ukiup affaanut annerpaamillu ukiumut suliaanut missingersorneqarput

Namminersortunut aningaasaatigut allaffissornikkullu kingunerisassai:

Soqanngilaq

Innuttaasunut aningaasatigut allaffissornikkullu kingunerisassai:

Soqanngilaq